

剡錄卷九

宋高似孫著

草木禽魚上

木

松

酈道元水經曰嶧山臨江松嶺森森戴逵松竹贊
猗猗松竹獨蔚山卑肅肅脩竿森森長條戴公文
章世少見之贊甚簡古森嚴

剡錄

卷九

柏

謝靈運山居賦曰木則松柏檀欒會稽郡記曰會
稽境多名山水峰崿隆峻吐納雲霧松栝楓柏枝
擢榦聳鄭僧保剡人孝感甘露降松柏條

檀

傳曰檀可為車故曰疆勒之木陸璣草木疏曰檀
木皮青滑澤宋南渡初製五輅須檀為車軸取諸
剡至今郊年文移如舊

櫟

水經曰謝靈運與惠連聯句刻孤潭櫟側詩曰山有苞櫟爾雅注曰櫟有栝彙自畏

梓

水經曰謝車騎居嶧山東北曲江起樓樓北桐梓森挺

桐

謝車騎嶧江所居桐梓森挺人號桐亭丹池山在

剡錄

卷九

二

剡之東舊曰桐栢山道經曰上有桐栢合生

椿

剡溪谷多此木孔德紹詩歲積松方偃年深椿欲秋用莊子事妙絕

杞

謝靈運詩漉池溉粳稻輕雲暖松杞齊唐詩梗柗非給燎鱣魴必施眾

楮

出越經說文曰楮穀也陸璣草木疏曰江南以楮搗紙剡溪作水紙亦取此東坡詩膚為蔡侯紙子入桐君錄李易剡貴門卜築詩趁時務擷茗餘力工搗楮謂竹紙也

檉

出山居賦越經爾雅曰檉河柳張衡南都賦注曰檉似柏而香江淹檉頌曰碧葉菴藹柯翕艷喻鳧詩曉壇檉葉露春圃木苗風

剡錄

卷八

三

柞

周處風土記曰始寧剡界山多柞木吳越之間名柞為檉爾雅曰柞杼柞樹也漢五柞宮即此木

石楠

李白詩水春雲母碓風掃石楠花祖已詩不知疊嶂夜來雨清曉石楠花亂流魏王花木志曰石楠樹野生二月花開剡山谷多此冬葉尤可愛

朴

平泉草木記曰厚朴得之剡溪

樟

出越經酉陽雜俎曰江東人以樟為船張嶠詩白水汪汪滿稻畦樟花零落徧前溪

柰

輿地志曰越太平山生柰木剡多此木非止太平山也

櫛

剡錄

卷九

四

出越經李嘉祐詩子規夜啼櫛葉暗遠道春來半是愁

思木

平泉草木記曰相思木得之剡谿三異記述異記皆曰戰國時有民戍秦妻思之卒塚上生木枝葉皆向夫所謂之相思木吳都賦曰相思之樹注曰樹理堅邪斫之有文可作器陸龜蒙詩樹斲相思枝滿地鳥語提壺聲滿溪權德輿相思木詩空見

相思樹不見相思人

竹

許敬宗竹賦曰篔簹谷著美稽山見知衛稱淇澳梁賦夾池吳筠竹賦曰渭川千畝山陽數林會稽潤玉羅浮色金竹在會稽尚矣剡左右沙村最宜竹

箭竹

左傳曰東南之美有會稽之竹箭剡謝巖五龍山尤多靈運山居賦曰二箭殊葉注曰苦箭大葉筭

剡錄

卷九

五

箭細葉戴凱之竹譜曰會稽箭最精節間三尺堅勁中矢字統曰箭竹之別形小身大葉曰箭竹原父箭竹詩冉冉東南美托根那在茲黃太史箭筍詩會稽竹箭天下聞青嶺霜筍搖紫雲巽中詩適越長懷冬箭美遊吳未數蓴絲滑

毛竹

金庭曰毛竹洞天有毛竹李清叟詩雲藏毛竹深
深洞煙起香爐裊裊風

斑竹

博物志曰洞庭二女以涕揮竹盡斑唐蔣防相妃
泣竹賦曰帝舜兮南巡不回二妃兮心傷已摧淚
浪浪而墮曉竹冉冉而凝苔李端詩雲去低斑竹
風來動白蘋

燕竹

燕來時作筍取其早也王梅溪在剡有詩問訊東
墻竹佳名始得知龍孫初迸處燕子正來時

剡錄

卷九

苦竹

山居賦曰竹則四苦齊味謂黃苦青苦白苦紫苦
也越又有烏末苦頓地苦掉尾苦湘簟苦油苦石
班苦苦筍以黃苞推第一謂之黃鶯苦剡亦有之
孟浩然詩歲月青松老風霜苦竹餘

水竹

山居賦曰水石別谷注曰水竹依水而生甚細密
石竹

山居賦注曰石竹別叢大以充屋其巨者竿挺之
屬細者籩箬之流閩中記曰勞竹似石竹

慈竹

任昉述異記曰南中生子母竹慈竹是也酉陽雜
俎曰慈竹夏雨滴汁入地而生王勃慈竹賦曰如
母子之鉤帶似閨門之悌友喬林慈竹賦曰類宗
族之親比同朋友之造膝宋景文公慈竹贊曰根
不他引是得慈名注曰竹性土產根不外引密不

刺錄

卷九

七

容竒生夏秋也

桃枝竹

書曰篋席紛純孔安國曰篋桃枝竹也爾雅曰桃
枝竹四寸有節又有梁簡文帝竹賦曰玉潤桃枝
之麗魚腸雲母之名梁元帝詩柯亭臨絕澗桃枝
夾細流皮日休詩鼓子花明白石岍桃枝竹引翠

嵐溪

笙竹

字書曰筴竹名也有早竹晚竹綿竹梅聖俞詩侵
天筴竹溪西東

筴竹

羅浮山疏曰筴竹堅利南土以為矛筍未竹時堪
為弩絃皮日休詩烏紗任岼穿筴竹白袷從披趨
肉芝

閃竹

越閃竹即宋景文黃大史所謂對青竹宋公贊曰

剡錄

卷九

八

翠溝如畫太史賦曰金碧其相

紫竹

剡山谷間往往有之宋景文紫竹贊曰竹生三歲
色乃紫

方竹

玉岑山所植贊寧筍譜曰辰山有方竹其方二寸
桂苑叢談曰李德裕遊甘露寺贈僧方筍竹杖後
數年至寺僧圓之矣陸龜蒙筍賦曰洪鑪靡定方

圓不均注曰南方有方竹宋景文方竹贊曰竹筍皆圓此獨方形張忠定公方竹詩筍從初茁已方堅峻節凌霜更可憐王平父方竹詩方竹同吾操端然直物間

人面竹

剡山有之竹徑幾寸近本逮二尺節極促四面參差竹書曰如魚身而凸頗類人面

淡竹

剡錄

卷九

九

本草曰竹類不一而農經所載惟篁竹苦竹淡竹耳

花

牡丹

仲皎牡丹詩玉稜金線曉妝寒妙入天工不可干老去只知空境界淺紅深紫夢中看擇璘牡丹詩東君着力為渠裁妙絕真姿不受埃嗟我一觀如夢奴倚欄非為愛花來

芍藥

李易剡山詩班竹筍行三畝地紅藥花開一尺圍
王梅溪剡館芍藥詩已過花王候纔開近侍香來
游禁酒地免作退之狂

海棠

草木記曰木之奇者會稽之海棠沈立梅棠記曰
德裕言花中帶海者從海外來程琳海棠詩所謂
海外移根灼灼奇是也海棠以蜀本為第一今山

剡錄

卷九

十

間所有多野棠王梅溪在剡有海棠詩欲與春爭
媚嫣然一笑芳雨中如有恨疑是為無香先公在
剡謝人海棠詩富貴天姿錦里人高華全比玉堂
臣綠嬌紅嫩精神是肯折園林兩樹春注曰花譜
以海棠比翰林學士唐吳融海棠詩太尉園林兩
樹春年年奔走看花人此詩全成讖也

桂

草木記以剡中丹桂為奇德裕有訪剡溪樵客得

紅桂詩曰昔聞紅葉枝獨秀龍門側越叟遺數株
周人未常識來自天姥峯長凝翠嵐色記中曰又
得剡中真紅桂李白詩何以折相贈白花青桂枝
雖然剡溪興不異山陰時劉長卿寄剡中諸官詩
桂香留客處楓暗泊村時梅溪王公記周氏天香
亭曰嵩桂數百根皆古木也蒼然成林森然成陰
洞然而深窅徑通幽而亭乎其中主人日與客游
焉如入宜人之林而夏不知暑如登飛來之峯而

剡錄

卷九

十一

香生自天如騎蟾蜍遊兔宮而下遊人間世真剡
之絕境也先公次韻楊少雲桂花詩溶溶漠漠秋
光淡耿耿寥寥夜色清不是靈根函爽氣如何醞
得此香成玉兔搗霜千萬粒淒風折作四花靨廣
寒慣識朝真趣一笑秋空意欲凌少雲名宦為兵
部侍郎時同在剡

四季桂

予雪館嘗植四季桂白居易詩有木名丹桂四時

常馥馥棗掬詩芳林挺芳幹一歲三四花掬晉人
也

雪桂

雪館雪中桂有花坐客以為自古未有余曰李賀
詩雪下桂花稀杜牧詩桂花香帶雪古人已見之

山茶

平泉草木記曰得會稽之山茗越山固多也陶弼
山茶詩淺為玉茗深都勝大曰山茶小海紅先公

剡錄

卷九

十二

雪館山茶詩江南嘉木蔚蒼蒼能與山梅次第芳
葉厚耐擎三寸雪飛初怯受一番霜

石巖

花比杜鵑尤紅石巖先放葉後着花仲皎石巖花
詩朱英歷歷爍晴空過了花間幾信風明日畫闌
供徒倚却須有句到芳叢

茶

玉梅溪剡館茶詩日烘香倍遠雨浥韻尤清山谷

詩雨浥何郎試湯餅日烘筍令炷爐香其用日烘
乃山谷詩中來也

酴醾

先公剡中賦茶藤花詩羽蓋珠璣上下蒙倚攔碧
動舞蛟龍誰憐澹素朝天面自現光明滿月容楊
柳風柔霑絮濕薔薇露重染衣濃典型猶帶醺酣
力醞得餘春百倍釀

杜鵑

剡錄

卷九

十三

剡僧擇璘杜鵑花詩春老麥黃三月天青山處處
有啼鵑懸岬幾樹深如血照水暗花暖欲燃三嘆
鶴林成夢寐前生閻苑覓神仙小山住頰愁無柰
又怕聲聲晧夜眠剡人謂之映山紅唐僧脩睦有
映山紅詩山前幾見烟邊重溪畔曾逢雨後斜

瑞香

西太白山有此花盧天驥剡山瑞香花詩入夢生
香酒力微不須金鴨裊孤馥為嫌談白非真色故

着仙家紫道衣時盧政在西山也了元瑞香譜曰
廬山瑞香比他郡最香信乎風物各有相宜吳曾
漫錄曰剡山瑞香花天聖中始傳東坡諸公悉作
瑞字此山記中戴瑞香花及訥禪師詩山中瑞采
一朝出天下名香獨見知張祠部以睡瑞為睡其詩
曰曾向端州睡裏聞香風占盡世間春竊花莫撲
枝頭蝶曾見南窓半夢人先公翰林詩雲岑深處
獨翹翹香逐吳山一夢銷味入禪心清透徹錦熏

剡錄

卷九

十四

篝暖不容招

紅梅

盧天驥迎薰堂紅梅詩河陽滿縣栽桃李風過落
花吹不起潘郎遠韻故不凡為米折腰聊爾剡
溪詩尹亦可人作堂餉客名迎薰雖無桃李繼潘
令紅梅一窠香入雲自憐多病綉衣客百年未半
鬢先白長鞭短帽飽霜露田園將蕪身未索何日
背琴携瘦筇鳴絃堂上迎薰風梅香已斷葉初暗

滿枝着子雙頰紅寄聲艇子可留意為我泂溪撐
短篷王梅溪紅梅詩桃李莫相妬天姿原不同猶
餘雪霜態未肯十分紅

千葉黃梅

王梅溪詩菊以黃為正梅惟白最嘉徒勞千葉染
不似雪中花先公翰林詩一夢梨花失曉雲晚貪
黃裏弄精神寒枝染透薔薇露猶向人間犯色

蠟梅

剡錄

卷九

十五

花有紫心者青心者紫者色濃香烈謂之辰州本
蠟梅聲名自蘓黃始徐師川詩所謂江南舊時無
蠟梅只是梅花對月開也王梅溪剡館蠟梅詩非
蠟復非梅誰將蠟染腮游蜂一見過訝自密中来

菊

朱放剡溪舟行詩漠漠黃花覆水時時白鷺驚船
此溪邊菊有花也先公于雪館西坡手種一二百
本最奇者紫菊丹菊杜荀鶴詩雨勻紫菊層層色

風弄芭蕉葉葉聲度信詩層霄映紫芝潛澗泛丹
菊者是也先公有種菊詩菊載神農經不見詩三
百周官叙鞠衣一言僅可摘黃華記呂令落英餐
楚客伯始飲得壽桐君書探賸移根候萌動需時
當甲拆我羨柴桑里敢希履道宅不種兒女花朱
朱與白白閱譜品雖多求我地恐窄掘苗助其長
抱甕溉以澤朗詠黃為正流播風傳格寒香紫莖
蘭晚節銅柯柏相繼早梅芳一笑巡簷索

剡錄

卷九

十六

丁香

剡山白丁香絕多殊不惡李賀詩亂繫丁香梢滿
欄花向夕錢起丁香詩露香濃結桂池影闌蟠虬

蒼筤

此花生山谷榛篁間最多禪月所謂白蒼筤花露
滴也韓渥詩整釵梳子重呵酒菊花香杜甫梳子
詩其寔也王梅溪詩禪友何曾到遠從毗舍園妙
香通鼻觀悟佛根源

水仙

水仙自魯直文潛詩得名者有單葉者先公詩朝
朝暮暮泣陽臺愁絕水魂水一杯巫峽雲深迷昨
夢瀟湘雪重寫餘哀菊如相得無先意梅亦傾心
敢後開惱徹會心黃太史他花從此不須栽

薔薇

李易剡山詩剡山無數野薔薇黃雲爛熳相因依
李白題東山亦曰不見東山久薔薇幾度花

剡錄

卷九

十七

凌霄

山谷老松凌霄直上與松栢雨花零暑亢積詩寒
竹秋雨重凌霄晚花落白居易詩有木名凌霄擢
秀非孤標

剡錄卷九